

第九、惡品

(軌道 09)

- 116 應急速作善，制止罪惡心。^{dài}怠慢作善者，心則喜於惡。
- 117 若人作惡已，不可數^{shuò}數^{shuò}作；莫喜於作惡，積惡則受苦。
- 118 若人作善已，應復數數作；當喜於作善，積善則受樂。
- 119 惡業未成熟，惡者以為樂。惡業成熟時，惡者方見惡。
- 120 善業未成熟，善人以為苦。善業成熟時，善人始見善。
- 121 莫輕於小惡！¹謂「我不招報」，須知滴水落，亦可滿水瓶，^{yú}愚夫盈其惡，少許少許積。

¹ 莫輕於小惡：可解釋為「莫輕視」或「莫想少」。

- 122 莫輕於小善！謂「我不招報」，須知滴水落，亦可滿水瓶，智者完其善，少許少許積。
- 123 商人避險道，伴少而貨多；愛生避毒品²，避惡當亦爾。
- 124 假若無有瘡傷手，可以其手持毒藥。毒不能患無傷手。不作惡者便無惡。
- 125 若犯無邪者、清淨無染者，罪惡向愚人，如逆風揚塵。
- 126 有人生於母胎中，作惡者則墮地獄，正直之人昇天界，漏盡者證入涅槃^{niè pán}。
- 127 非於虛空及海中，亦非入深山洞窟^{kū}，欲求逃遁惡業者，世間實無可覓處。

² 愛生避毒品：愛惜生命則需避開毒害的物品。

128 非於虛空及海中，亦非入深山洞窟，欲求不為死魔制，
世間實無可覓處。



